


Oz cun: Jon Domenic Parolini (pbd)

(mc) La Partida burgais-democratica (pbd) dal Grischun vul mantegnair sia represchentan-za in la regenza cun il cusseglier guvernativ en uffizi Jon Domenic Parolini (58). Il candidat che vul vegnir reelegì è naschì e creschì si a Scuol. El è maridà e bab d'ina figlia e d'in figl. L'actual schef dal departament chantunal da l'economia e da fatgs socials ha absolvi il gimnasi a Samedan, ha studegià selvicultura a la Scuola politecnica federala ETH a Turitg e terminà ses studis cun il doctorat. El è s'engaschà sco inschigner forestal ed intgins onns sco schurnalist tar il Radio Rumantsch.

Duront 14 onns, da 2000 fin 2014, è Jon Domenic Parolini stà capo communal da Scuol e deputà en il cussegl grond e da 2010–2014 ha el presidà la Partida burgais-democratica dal Grischun. Dapi 2015 è Jon Domenic Parolini commember da la regenza grischuna. El è commember da suprastanza da la Gruppa svizra per ils territoris da muntogna SAB, da Svizra Turissem e da la Conferenza dals directurs chantunals d'economia.



Cussegljer guvernativ Jon Domenic Parolini, candidat da la pbd per la regenza.

CARICATURA L. FLEPP

